

The Electronic *Manipulus florum*
www.manipulusflorum.com

Ebrietas ae
cum fonte primo

Refer Alexandri Macedonis exemplum
qui Clitum karissimum sibi ac fidelissimum inter epulas transfodit
et intellecto facinore mori uoluit.

Refer Alexandri Macedonis exemplum,
qui Clitum carissimum sibi ac fidelissimum inter epulas transfodit
et intellecto facinore mori uoluit,
certe debuit.

Lucius Annaeus Seneca, *Ad Lucilium epistulae morales*, 83.19
(L. Reynolds ed., vol.1, p.282, ll.26-29).

Cogita quas clades ediderit publica ebrietas:
hec acerrimas gentes bellicosasque hostibus tradidit,
hec multorum annorum pertinacia bello defensa menia patefecit,
hec contumacissimos et iugum recusantes in alienum redegit arbitrium.
Inuictos enim acie mero domuit.

Cogita quas clades ediderit publica ebrietas:
haec acerrimas gentes bellicosasque hostibus tradidit,
haec multorum annorum pertinacia bello defensa moenia patefecit,
haec contumacissimos et iugum recusantes in alienum egit arbitrium,
haec inuictos acie mero domuit.

Seneca ibidem (LXXXIII. epistola ad Lucillum).

Lucius Annaeus Seneca, *Ad Lucilium epistulae morales*, 83.22
(L. Reynolds ed., vol.1, p.283, ll.14-18).